


72 111 3 10 81 Gau. Rom.

† Gaudenz Loretz-Schmid impressari, Sedrun



La mort fa mintga di siu tur, en spitals a casa e sin via. Il defunct, Gaudenz Loretz, ha ella era tschaffau in mument nunspetgau. Sin viadi dil plaz da laver tier la cara famiglia ha il pot da Diu fatg per camond ed anetgamein clamaui siu survient ella patria celestia. Danovamein ei il proverbio: «Il carstgaun propona e Dieus disponna» severificaus, pertgei ch'il defunct Gaudenz haveva aunc bia plans per la veta.

Impressari Gaudenz Loretz ei naschius a Selva, ils 24 da schaner 1921 sco siatavel fegl da 13 affons. Ses geniturs, Michel Loretz e Maria, nata Deflorin, han buca giu in lev pensum d'eduar e nutrit ina tala famiglia. Il defunct Gaudenz Loretz, scolar cun buns talents — savens ualiti cativs sco beinenqual buob — frequenta la scola primara a Selva. Allura absolva el la scola secundara a Camischolas. Pli bia scolas ha el buca frequentau e tuttina possedeva el oz ina fatschenta flurenta, aschia ch'ins sto constatar ch'il Gaudenz hagi duvrav ses duns spirtals cumpleinamein. Suenter la scola secundara lavura il defunct cun siu bab e fargliuns sco pur e gl'unviern sco luvrer d'uaul.

Igl onn 1949 daventa in termin d'entschatta per

il defunct. Il vitget da Selva ei en fiug e flomma. Dis da tristezia per l'entira Val Tujetsch! Mo ussa entscheiva l'acziun dil defunct. El serenda a Sedrun, baghegia ina casa el territori odem il vitg — oz in miez vitg numnaus «Niev Selva». 1950 entscheiva sia laver sco impressari. Gl'emprem va ei buca tgunsch. Mo nies vischin Gaudenz ei activs, im bien quintist ed organista e posseda ina energia da fier. Malgrad enqual beffa e renfatscha piarda el buca la curascha. La nova fatschenta entscheiva a prosperar. Giuven e vegl renconuschan las habilitads dil Gaudenz. El surpren pli e pli grondas lavurs. L'ovra electrica Reimanteriur surdat ad el ina gronda laver en Val Curnera. A Sursaissa supren el ina laver da megliazion, nua ch'el occupescha in tschappel luvrers duront 4 onns. Era al turissem regala il Gaudenz tutta attenziun. Igl onn 1964 erekia el il modern hotel Alpina. Patentgond d'era saver occupar tuts ses frars, veva el all'entschatta l'idea da construir ina fabrica cun industria. Quei plan ha el denton satrau.

Igl onn 1952 ei il defunct sospausa cun la biala giuvnetta Ludivina Schmid da Caviglia. Il Segner regala ad el treis huobas ch'el carezava surtut. La legria cumpleina porta ad el en famiglia il quart affon, il carissim fegl Arthur. Malgrad tuts quitaus da fatschenta carezava il defunct sia famiglia sco negin.

Ei fuss ina vergugna de buca menzionar ch'il defunct era in carstgaun cartent. El era in veritable veneratur da Nossadunna. Pliras ga eis el serendius a Lourdes per implorar benedicziun. Casualmein hai jeu intervegniu ch'il defunct hagi leu adina urau e recitau ferventamein il sogno rusari.

Ils 6 da settember annunzia il zenn da s. Vigeli a Sedrun la mort da nies convischin Gaudenz Loretz. Buca capeivel per nus carstgauns. Sco incametg serasa la tresta nova tras la Val Tujetsch. In bab en megliers onns en bara e dasperas ina dunna contristada cun 4 affons pigns. Dieus, il Signur digl univers detti ad ella la grazia da purtar la greva crusch.

Il preziau defunct era stimaus da ses luvrers. In maletg impressionont hai jeu viu il di da sepultura. Ses luvrers han formau in spalier de tristezia entuorn il «schef» duront il survetsch divin.

Alla cara famiglia en malencurada exprimin nus nossa sincera condolentscha. Il Segner detti al defunct Gaudenz il ruanus perpeten. R.I.P.

In convischin